

1-бап

Осы Шарттың мақсаты үшін "сыртқы шекаралар" деген термин Еуразиялық экономикалық қауымдастықты құру туралы шартқа қатысушылары болып табылмайтын мемлекеттермен, Тараптардың мемлекеттік шекараларының телімдерін білдіреді.

2-бап

Тараптар сыртқы шекараларда терроризм актілерін, қару-жарақтың және оқ-дәрінің, жарылғыш, улы, есірткі және психотропты заттардың, радиоактивті материалдардың және контрабанданың өзге де заттарының заңсыз тасымалдануының жолын кесу бойынша, сондай-ақ заңсыз көші-қонмен және діни экстремизмнің пайда болуымен күресте ынтымақтастықты жүзеге асырады.

3-бап

Тараптар Еуразиялық экономикалық қауымдастыққа мүше мемлекеттердің заңнамалық және өзге де нормативтік базаларын үндестіруге көмек көрсету бойынша шекара ведомстволары қызметінің негіздері туралы хаттамаға (N1-қосымша) сәйкес шекара мәселелері бойынша ұлттық заңнаманы және өзге де нормативтік актілерді үйлестіру бойынша шараларды қабылдайды.

4-бап

Тараптардың шекара ведомстволары Шекара мәселелері бойынша Еуразиялық экономикалық қауымдастыққа мүше мемлекеттердің ақпараттық көмек көрсетуі туралы 2001 жылғы 14 қыркүйектегі келісімге сәйкес сыртқы шекарада қордаланған жағдай туралы, сондай-ақ мемлекеттік шекараны күзетуге байланысты және өзара мүддені көрсететін басқа да мәселелер бойынша ақпараттармен алмасады.

Сыртқы шекараларды күзетуге қатысты жеке мәселелер бойынша Тараптардың шекара ведомстволары Еуразиялық экономикалық қауымдастыққа мүше мемлекеттердің сыртқы шекараларын күзету мәселелері бойынша өзара консультациялар жүргізу тәртібі туралы хаттамаға (N2-қосымша) сәйкес өзара консультацияларды жүргізеді.

5-бап

Шекара ведомстволарының сыртқы шекараларды күзету мүддесіндегі жедел іздестіру қызметі Еуразиялық экономикалық қауымдастыққа мүше мемлекеттердің сыртқы шекараларын күзету мүддесіндегі жедел іздестіру қызметіндегі Еуразиялық

экономикалық қауымдастыққа мүше мемлекеттері шекара ведомстволарының ынтымақтастығы туралы хаттамаға (N3-қосымша) сәйкес жүзеге асырылады.

6-бап

Тараптардың әрбірі басқа Тараптың шекара ведомствосының әуе кемесіне, сыртқы шекараларды күзетуде олардың мүддесіне пайдалану кезінде, өзінің әуе кеңістігін, әуежайын, аэродромдарын (қону алаңдарын) олардың кімге жататындығына және тағайындалуына қарамастан, сондай-ақ навигациялық, метеорологиялық және өзге де ақпараттарды пайдалануға құқық береді, Еуразиялық экономикалық қауымдастыққа мүше мемлекеттер арасындағы екі жақтылы және көп жақтылы шарттарға сәйкес әуе кемелерінің ұшуын және техникалық қызмет көрсетуін қамтамасыз етеді.

7-бап

Еуразиялық экономикалық қауымдастыққа мүше мемлекеттердің сыртқы шекаралары арқылы өткізу бекеттерінде шекараны күзету аясында шекара ведомстволарының ынтымақтастығы Еуразиялық экономикалық қауымдастыққа мүше мемлекеттердің сыртқы шекаралары арқылы өткізу бекеттерінде шекараны күзету аясында шекара ведомстволарының ынтымақтастығы туралы хаттамаға (N4-қосымша) сәйкес жүзеге асырылады.

8-бап

Тараптар шекара ведомстволарын материалдық техникалық қамтамасыз етуге, сондай-ақ Еуразиялық экономикалық қауымдастыққа мүше мемлекеттердің мемлекеттер шекараларын күзетуді материалдық техникалық қамтамасыз ету саласында шекара ведомстволарының ынтымақтастығы туралы хаттамаға (N5-қосымша) сәйкес Тараптардың мемлекеттік шекараларын күзетуде қолданылатын қару-жарақты, техникаларды өңдеуде, әзірлеуге тапсырыстарды жүзеге асыруда, енгізу мен жөндеуде өзара көмек көрсету.

9-бап

Тараптардың шекара ведомстволары екі жақты және көп жақты келісімдерге сәйкес Еуразиялық экономикалық қауымдастыққа мүше мемлекеттердің шекара ведомстволары үшін әскери кадрларды, соның ішінде кіші мамандарды әзірлеуде, қайта әзірлеуде және біліктілігін арттыруда өзара көмек көрсетеді.

10-бап

Осы Шарттың ережелерін түсіндіруге және қолдануға байланысты даулы мәселелер өзара консультациялар мен келіссөздер жолдарымен шешіледі.

Тараптардың өзара келісімі бойынша осы Шартқа Тараптармен, осы Шарттың ажырамас бөлігі болып табылатын хаттамаларға қол қою жолымен ресімделетін өзгертулер мен толықтырулар енгізілуі мүмкін.

11-бап

Осы Шарт Еуразиялық экономикалық қауымдастықтың Интеграциялық Комитеті болып табылатын, осы ішкі мемлекеттік қажетті рәсімдер үшін Тараптармен орындау туралы үшін хабарлама депозитаримен алған күнінен бастап күшіне енеді.

12-бап

Ол күшіне енгеннен кейін, осы Шарт оған, Еуразиялық экономикалық қауымдастықты құру туралы 2000 жылғы 10 қазандағы шартқа қосылған басқа мемлекеттердің қосылуы үшін ашық.

Шарт қосылатын мемлекет үшін депозитарифа қосылу туралы хабарды берген күнінен бастап күшіне енеді.

13-бап

Осы Шарт күшіне енген күнінен бастап бес жыл бойы әрекет етеді.

Осы мерзім өткеннен кейін Шарт өздігінен әрбір рет бес жылдық кезеңге ұзартылады.

Әрбір Тарап шығуға алты айдан кем емес мерзімде бұл туралы депозитариге жазбаша жолмен хабарлап осы Шарттан шығуға құқығы бар.

200_ жылғы "___" _____ қаласында орыс тілінде бір данасы түпнұсқада жасалды.

Шарттың түпнұсқа данасы, Шарттың куәландырылған көшірмесін қатысушы мемлекеттердің әрбіріне жіберетін Еуразиялық экономикалық қауымдастықтың Интеграциялық Комитетінде сақталады.

Беларусь Республикасы үшін
Қазақстан Республикасы үшін
Қырғыз Республикасы үшін
Ресей Федерациясы үшін
Тәжікстан Республикасы үшін

Еуразиялық экономикалық қауымдастыққа мүше мемлекеттердің сыртқы шекараларын күзетудегі ынтымақтастық туралы шартқа

№ 1-қосымша

Тараптар Еуразиялық экономикалық қауымдастыққа мүше мемлекеттердің заңнамалық және өзге де нормативтік базаларын үндестіруге көмек көрсету бойынша шекара ведомстволары қызметінің негіздері туралы
Хаттама

1-бап

Шекара мәселелері бойынша ұлттық заңнамалық және өзге де нормативтік кесімдердің негізгі мақсаттары мыналар болып табылады:

- халықаралық жасалған шарттардың ережелерін, шекара мәселелері бойынша интеграцияның басқару органдарының шешімдерін ұлттық заңнамаға және өзге де нормативтік құқықтық кесімдерге заңды түсіндіру арқылы құқықтық қатынастарды реттеудің бірыңғайланған (унификацияланған) тәртібін белгілеу;

- шекара ведомстволарының дамуына, олардың ынтымақтастығын барынша тереңдетуге және сыртқы шекараларды күзетуді әрі қарай күзетуге көмектесу;

- ведомстволық нормативтік базаларды түзету және ұлттық заңнама негізінде Еуразиялық экономикалық қауымдастыққа мүше мемлекеттердің шекара мәселелері бойынша өздерінің міндеттерін қамтамасыз ететін қажетті жағдайды жасау.

2-бап

Шекара мәселелері бойынша ұлттық заңнамалық және өзге де нормативтік құқықтық кесімдерді өзара жақындастыруға бағытталған Тараптардың шекара ведомстволарының күш-жігерін координациялау мен келісу ЕурАзЭҚ Интеграциялық Комитетіндегі шекара мәселелері бойынша Кеңес жүзеге асырады.

3-бап

Тараптардың шекара мәселелеріне қатысты ұлттық заңнамасының нормалары ЕурАзЭҚ шеңберінде қолданған кезде болуы мүмкін қайшылықтарды жою мен шешу Тараптардың шекара ведомстволарының өкілетті органдарының (өкілдерінің) консультацияларды жүргізу жолымен жүзеге асырылады, Кеңестің шекара мәселелері бойынша Парламентаралық Ассамблеяда үндестіру бойынша Координациялық Кеңеспен және Еуразиялық экономикалық қауымдастықтың басқа да құзыретті органдарымен тұрақты және пәндік өзара іс-қимылды қамтамасыз ету.

4-бап

Заңнамалық және өзге де нормативтік базаларды үндестіру бойынша шараларды өңдеу, шекара мәселелері бойынша уағдаласушылықтарды іске асыру бойынша ұсыныстарды талдау, қорыту және келісу, сондай-ақ Кеңестің мәжілісіне шекара мәселелері бойынша тиісті материалдарды дайындау Кеңестің Хатшысына жүктеледі.

5-бап

Осы Хаттама Еуразиялық экономикалық қауымдастыққа мүше мемлекеттердің сыртқы шекараларын күзетудегі ынтымақтастық туралы шарттың ажырамас бөлігі болып табылады, Шартта анықталған жағдайда және тәртіпте күшіне енеді және әрекет етеді.

Еуразиялық экономикалық қауымдастыққа
мүше мемлекеттердің сыртқы шекараларын
күзетудегі ынтымақтастық туралы шартқа
N 2-қосымша

**Еуразиялық экономикалық қауымдастыққа мүше мемлекеттердің
сыртқы шекараларын күзету мәселелері бойынша өзара
консультациялар жүргізу тәртібі туралы
Хаттама**

1-бап

Еуразиялық экономикалық қауымдастыққа мүше мемлекеттердің сыртқы шекараларын күзету мәселелері бойынша консультациялар қажеттілігі бойынша Тараптардың шекара ведомстволарының басшылары немесе мамандар мен консультанттарды тартумен олардың орынбасарлары жүргізеді.

2-бап

Консультациялардың негізгі мақсаттары мыналар болып табылады:
- шекара құрылымдарының әртүрлі қызмет аяларында шекара ынтымақтастығын іске асыру шаралары бойынша және дамыту іс-шаралары бойынша ұсыныстарды
ө з і р л е у ;

- сыртқы шекаралардың қауіпсіздігін қамтамасыз ету мақсатында координацияланып бірлескен іс-шараларды өткізу бойынша ұсыныстарды өңдеу және дайындау.

3-бап

Консультациялар барысында Тараптардың шекара ведомстволары мемлекеттік шекарадағы жағдай, сондай-ақ әскери, саяси және шекара аудандарында болып жатқан әлеуметтік экономикалық процестер және сыртқы шекараларды күзетуді қамтамасыз ету үшін қабылданатын іс-шаралар туралы бір-біріне хабар береді.

4-бап

Шұғыл шешімді қабылдауды талап ететін жағдай туындаған жағдайда Тараптардың шекара ведомстволары қысқартылған делегация құрамында консультациялар жүргізеді.

5-бап

Консультация қатысушыларының жалпы келісімімен оларға Тараптардың басқа да мүдделі министрліктері мен ведомстволары өкілдері қатысуы мүмкін.

6-бап

Күн тәртібі мен консультацияларды жүргізу тәртібі консультацияға қатысушылармен анықталады.

Консультациялар қабылдаушы тараптың шекара ведомствосы басшысының төрағалық етуімен жүргізіледі, ал ерекше жағдайларда төраға консультацияға қатысушылармен сайлануы мүмкін.

7-бап

Консультацияны жүргізуге байланысты шығындар қабылдаушы Тараптың шекара ведомствосының есебінен жүзеге асырылады.

Консультацияға қатысушылардың келуіне байланысты шығындарды Тараптардың әрбір шекара ведомствосы өз бетінше жүзеге асырады. Консультацияға Тараптардың басқа да мүдделі министрліктері мен ведомстволары өкілдерінің қатысуына байланысты шығындарды жіберуші Тараптың мүдделі министрліктері мен

ведомстволары өз бетінше жүзеге асырады.

Қабылдаушы Тарап консультацияға қатысушылардың қауіпсіздігін қамтамасыз етеді.

8-бап

Үшінші мемлекеттің мүддесіне әсер ететін мәселелерді қараған кезде, осы консультацияларға қатысушылардың барлығының келісімімен олардың өкілдерінің қатысуына рұқсат беріледі.

9-бап

Консультациялардың нәтижелері шекара ведомстволарымен ұсынылатын тиісті қорытынды құжаттармен ресімделеді.

Өзара уағдаласушылықтармен қорытынды құжаттар жасырын сипатта болуы мүмкін.

Осы Хаттама Еуразиялық экономикалық қауымдастыққа мүше мемлекеттердің сыртқы шекараларын күзетудегі ынтымақтастық туралы шарттың ажырамас бөлігі болып табылады, Шартта анықталған жағдайда және тәртіпте күшіне енеді және әрекет етеді.

Еуразиялық экономикалық қауымдастыққа мүше мемлекеттердің сыртқы шекараларын күзетудегі ынтымақтастық туралы шартқа
N 3-қосымша

Еуразиялық экономикалық қауымдастыққа мүше мемлекеттердің сыртқы шекараларын күзету мүддесіндегі жедел іздестіру қызметіндегі Еуразиялық экономикалық қауымдастыққа мүше мемлекеттері шекара ведомстволарының ынтымақтастығы туралы Хаттама

1-бап

Сыртқы шекараларды күзету мүддесіндегі жедел іздестіру қызметі Тараптардың заңнамасымен жүзеге асырылады.

Жедел іздестіру қызметі саласындағы ынтымақтастық контрабанданың, есірткі құралдарының, психотропты заттардың, қару-жарақтың, оқ-дәрілердің, жарылғыш, улы және радиоактивті заттардың және мемлекеттік шекара арқылы тыйым салынған

басқа да тауарлар мен заттардың тасымалдануына күресу, заңсыз көші-қонды ескерту аясында қолда бар мүмкіндіктерді барынша тиімді және өзара тиімді мақсатта ұйымдастырылады, сондай-ақ трансұлттық ұйымдасқан қылмысқа, халықаралық терроризмге, діни экстремизмге қарсы тұру осы Хаттамада белгіленген тәртіпте жүзеге асырылады.

2-бап

Тараптардың шекара ведомстволары жедел іздестіру қызметіндегі ынтымақтастықты мына жолдармен жүзеге асырады:

- жедел іздестіру шараларын жүргізу туралы сұрау салуларды орындау;
- сыртқы шекараларда құқыққа қарсы әрекеттерді ескерту, табу және жолын кесу бойынша бірлескен немесе келісілген шараларды әзірлеу және қабылдау, оларды жүзеге асыру нәтижелері туралы бір-біріне хабарлау;
- сыртқы шекараларда құқыққа қарсы әрекеттерді жасауды дайындауға қатысушы адамдарды табу мен тексеру бойынша шараларды қабылдау;
- жедел іздестіру қызметі жұмыстарында тәжірибе алмасу;
- арнайы қызметтің мүмкіндіктерін пайдаланумен, трансұлттық ұйымдасқан қылмыстық топтармен, террористік және экстремистік ұйымдардың және адамдар топтарының және жеке адамдардың өкілдерімен өзара мүддені білдіретін нақты мәселелер бойынша бірлескен жедел шаралар жоспарларының қосымша жұмыстарын өтеу.

3-бап

Ақпарат алмасу Тараптардың шекара ведомстволары өкілдерінің кездесуі кезінде, сондай-ақ хат жазысу, телефон, факс және байланыстың басқа да түрлерімен жүзеге асырылады.

Әрбір Тарап, басқа Тараптан алынған ақпараттар мен құжаттардың жасырындығын, тиісті түрде есепке алынуын және сақталуын қамтамасыз етеді.

Осы баптың ережесі, таратылуы шектелген және Тараптардың заңнамасына сәйкес мемлекеттік және өзге де заңмен қорғалатын құпияларды құрайтын мәліметтерді алмасу тәртібіне қолданылмайды. Осындай мәліметтерді беру 2001 жылғы 14 қыркүйектегі Шекара мәселелері бойынша Еуразиялық экономикалық қауымдастыққа мүше мемлекеттердің ақпараттық өзара іс-қимылы туралы келісімге сәйкес беріледі.

4-бап

Жедел іздестіру шараларын жүргізу туралы сұрау салулар жазбаша нысанда ж і б е р і л е д і .

Кідіргілмейтін жағдайларда сұрау салулар ауызша нысанда жасалады. Ауызша берілген сұрау салулар дереу жазбаша белгіленеді.

Сұрау салған Тарап мүмкіндігінше қысқа уақытта Сұралатын Тараптан сұраудың нәтижелері туралы хабарлайды.

5-бап

Ағымдағы мәселелерді шешу жүргізілген шараларды келісу, ақпарат алмасу үшін Тараптардың шекара ведомстволары өкілдерінің жұмыс кездесулері жүргізіледі. Кездесулерді жүргізу мерзімі және күн тәртібіндегі мәселелер жұмыс тәртібінде к е л і с і л е д і .

Кездесудің нәтижелері қажет болған жағдайда хаттамалармен ресімделеді.

6-бап

Тараптардың шекара ведомстволары өкілдерінің басқа Тараптың аумағына барулары қабылдаушы Тараппен келісім бойынша жүзеге асырылады.

Жұмыс кездесуіне қатысушылар келуге байланысты шығындарды жіберуші Тараптың шекара ведомствосы өз бетінше жүзеге асырады.

7-бап

Осы Хаттама Еуразиялық экономикалық қауымдастыққа мүше мемлекеттердің сыртқы шекараларын күзетудегі ынтымақтастық туралы шарттың ажырамас бөлігі болып табылады, Шартта анықталған жағдайда және тәртіпте күшіне енеді және әрекет етеді.

Еуразиялық экономикалық қауымдастыққа мүше мемлекеттердің сыртқы шекараларын күзетудегі ынтымақтастық туралы шартқа
N 4-қосымша

Еуразиялық экономикалық қауымдастыққа мүше мемлекеттердің сыртқы шекаралары арқылы өткізу бекеттерінде шекараны күзету аясында шекара ведомстволарының ынтымақтастығы туралы

Хаттама

1-бап

Сыртқы шекаралар арқылы өткізу бекеттерінде шекараны күзету аясында шекара ведомстволарының ынтымақтастығының негізгі мақсаттары болып мыналар табылады:

- сыртқы шекараларда арқылы өткізу бекеттерінде шекараны бақылау аясында шекара ынтымақтастығының дамуына бірыңғай жолдарды және көзқарастарды әзірлеу;

- сыртқы шекаралары арқылы өткізу бекеттерінде шекараны күзету мүддесінде координацияланған бірлескен режимді іс-шараларды өткізу бойынша ұсыныстарды әзірлеу және дайындау.

2-бап

Шекара ведомствосы Тараптардың заңнамасына сәйкес сыртқы шекараларда өткізу бекеттерінде шекаралық бақылаудың тиімділігін көтеруге келісілген шараларды қабылдайды.

Шекара ведомствосы қажет болған кезде, Тараптардың азаматтарына шекара бақылауын жүзеге асыру үшін өткізу бекеттерінде жеке бағыттарды құрады, сондай-ақ Тараптардың азаматтары үшінші мемлекетке шыққан кезде шекара бақылауының рәсімдерін жеңілдету бойынша келісілген күш-жігерді қабылдайды.

3-бап

Сыртқы шекараларда өткізу бекеттерінде шекара бақылауының тиімділігін көтеру мақсатында Тараптардың шекара ведомстволары:

- жаңа өткізу бекеттерін ашу туралы;
- қордаланған жағдай және оның Тараптардың өткізу бекеттерінде шекара бақылауын жүзеге асыруға әсер ететін халықаралық қатынас жолдарындағы негізгі бағыттарының дамуы туралы;

- заңсыз көші-қонның, қару-жарақ, есірткі құралдары мен психотроптық заттардың және контрабанданың басқа да заттарының тасымалының жаңа және мүмкін арналары туралы;

- шекарадан өтуге құқық беретін жалған құжаттардың белгілерінің табылуы, көлік құралдарында жүктерді және жүкте адамдарды және контрабанда заттарын тығу әдістері, амалдары мен тәсілдері туралы;

- заңнамалық және өзге де нормативтік құқықтық кесімдерде, сондай-ақ шекарадан өту мен шекара бақылауы мәселелері бойынша Тараптардың қатысуымен жасалған екі жақты және көпжақты халықаралық шарттар туралы;

- Тараптардың азаматтарын шекара бақылауын жүзеге асыру үшін құрылған,

шекара арқылы өткізу бекеттерінің жеке бағыттары туралы;
- шекара бақылауын жүзеге асыру үшін өзара мүддені білдіретін басқа да мәселелер туралы ақпараттармен алмасады.

Ақпарат алмасу Еуразиялық экономикалық қауымдастыққа мүше мемлекеттердің ақпараттық көмек көрсетуі туралы 2001 жылғы 14 қыркүйектегі келісімге сәйкес жүргізіледі.

4-бап

Тараптардың шекара ведомстволары мына мәселелер бойынша:

- шекара бақылауының технологияларын жетілдіру және оптимизациялау;
- шекара бақылауын жүзеге асырған кезде арнайы техникалық құралдарды және қызмет жануарларын тиімді пайдалану;
- өткізу бекеттерінде құқыққа қайшы қызмет мониторингі;
- шекара бақылауы құрамаларының, бөлімдерінің және бөлімшелерінің ұтымды ұйымды қ құрылымдарын құру;
- олардың құзыретіне жататын басқа да мәселелер бойынша бірлескен шараларды жүзеге асырады.

5-бап

Шекара ведомстволары терроризм актілерін, заңсыз қару-жарақ, оқ-дәрінің, жарылғыш, улы, есірткі құралдарының, улы және психотропты заттар, контрабанданың өзге де заттарының заңсыз тасымалдануының, олардың аумағына (аумағынан) заңсыз кіруді (шығуды) жолын кесу үшін келісілген шараларды жоспарлайды және жүзеге асырады.

6-бап

Ынтымақтастық осы Хаттамамен көзделген, Тараптардың шекара ведомстволар арасындағы тікелей байланыстар мен уағдаласушылықтар жолдарымен жүзеге асырылады.

Осы қызметті координациялау ЕурЭҚ Интеграциялық Комитетіндегі шекара мәселелері бойынша Кеңеске жүктеледі.

7-бап

Осы Хаттама Еуразиялық экономикалық қауымдастыққа мүше мемлекеттердің сыртқы шекараларын күзетудегі ынтымақтастық туралы шарттың ажырамас бөлігі

болып табылады, Шартта анықталған жағдайда және тәртіпте күшіне енеді және әрекет етеді.

Еуразиялық экономикалық қауымдастыққа
мүше мемлекеттердің сыртқы шекараларын
күзетудегі ынтымақтастық туралы шартқа
N 5-қосымша

Еуразиялық экономикалық қауымдастыққа мүше мемлекеттердің мемлекеттер шекараларын күзетуді материалдық техникалық қамтамасыз ету саласында шекара ведомстволарының ынтымақтастығы туралы

Хаттама

1-бап

Тараптардың шекара ведомстволарының материалдық-техникалық қамтамасыз ету Тараптардың тиісті материалдық-техникалық қамтамасыз ету жүйелерінде өз бетінше жүзеге асырылады.

2-бап

Тараптардың мемлекеттік шекараларын күзетуді материалдық-техникалық қамтамасыз ету, олардың аумақтарында жүргізілмеген, басқа Тараптардың аумақтарында жүргізілмеген, Тараптардың заңнамасына және халықаралық шарттарға сәйкес жүзеге асырылады.

3-бап

Тараптар өзара шекара әскерлеріне материалдық-техникалық қамтамасыз етуде, сондай-ақ сыртқы шекараларын күзетуде қолданылатын қару-жарақты, техникаларды өңдеуде, әзірлеуге тапсырыстарды жүзеге асыруда, енгізу мен жөндеуде, жеке шаруашылық шарттар негізінде өзара көмек көрсетеді.

4-бап

Тараптар өзара өздерінің аумақтарында жасалатын және мемлекеттік шекараны күзетуде қолданылатын материалдық-техникалық құралдар, сондай-ақ оларды жеткізу мүмкіндіктері мен жағдайлары туралы ақпараттармен алмасады.

5-бап

Осы Хаттама Еуразиялық экономикалық қауымдастыққа мүше мемлекеттердің сыртқы шекараларын күзетудегі ынтымақтастық туралы шарттың ажырамас бөлігі болып табылады, Шартта анықталған жағдайда және тәртіпте күшіне енеді және әрекет етеді.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМҚ